

Broj: 450-030-03/26
Sarajevo, 23.07.2026. godine

Na osnovu člana 69. stav 2) tačka a) i člana 70. stav 1), 4) i 6) Zakona o javnim nabavkama („Službeni glasnik BiH“, br: 39/14, 59/22 i 50/24), člana 43. Statuta Javne ustanove „Centar za napredne tehnologije u Sarajevu“, te prijedloga Komisije br: 450-060-05/26 od 29.06.2026.godine, u postupku nabavke roba-namještaj za laboratorij-CNC, direktor donosi:

ODLUKU

o poništenju postupka javne nabavke roba - namještaj za laboratorij -CNC

I

Poništava se postupak javne nabavke roba – namještaj za laboratorij -CNC, putem *konkurentskog zahtjeva za dostavu ponuda*, evidencijski broj nabavke PJNR-9/26, pokrenut Odlukom o pokretanju br. 450-030-01/26 od 17.06.2026. godine, obavještenje o nabavci br. 22651-7-1-49-3-24/26 objavljeno dana 18.06.2026.godine.

II

Postupak iz tačke I ove Odluke se poništava iz razloga propisanih članom 69. stav 2) tačka a) Zakona o javnim nabavkama, odnosno iz razloga što u određenom krajnjem roku nije dostavljena nijedna ponuda.

III

Ova odluka objavit će se na web-stranici www.cnt.ba/bs, shodno članu 70. stav 6. Zakona o javnim nabavkama BiH.

IV

Ova odluka stupa na snagu danom donošenja.

Obrazloženje

Postupak javne nabavke pokrenut je Odlukom direktora o pokretanju postupka javne nabavke broj: 450-030-01/26 od 17.06.2026. godine. Javna nabavka je provedena putem konkurentskog zahtjeva za dostavu ponuda sa predviđenom e-aukcijom i kriterijumom- najniža cijena. Ukupna procijenjena vrijednost javne nabavke bez PDV-a je iznosila 5.120,00 KM bez PDV-a.

Tenderska dokumentacija je objavljena na portalu javnih nabavki zajedno sa obavještenjem o nabavci broj: 22651-7-1-49-3-24/26 objavljeno dana 18.06.2026.godine. Sažetak obavještenja o nabavci objavljen u Službenom glasniku BIH, br. 44/26.

Komisija za javne nabavke imenovana je Odlukom broj: 450-030-02/26 od 17.06.2026.godine i br. 450-030-02-01/26 od 29.06.2026.godine. Komisija za javne nabavke dostavila je 29.06.2026. godine Izvještaj o radu komisije za javnu nabavku roba –namještaj za laboratorij CNC sa preporukom ugovornom organu br. 450-060-05/26 od 29.06.2026.godine.

Zapisnikom o zaprimanju ponuda: br. 450-060-04/26 od 29.06.2026.godine utvrđeno je da nije dostavljena nijedna ponuda.

S tim u vezi, Komisija za javne nabavke predlaže ugovornom organu da za nabavku roba- namještaj za laboratorij CNC, poništi postupak javne nabavke iz razloga navedenih u članu 69. stav (2) tačka

a) Zakona o javnim nabavkama BiH („Službeni glasnik BiH“ br. 39/14, 59/22 i 50/24), odnosno zato što nije dostavljena nijedna ponuda u određenom krajnjem roku.

Cijeneći prethodno navedeno, direktor je odlučio kao u dispozitivu ove Odluke.

POUKA O PRAVNOM LIJEKU: Protiv ove Odluke može se izjaviti žalba u roku od 5 (pet) dana od dana prijema iste. Žalba se izjavljuje Uredu za razmatranje žalbi Bosne i Hercegovine, putem ugovornog organa Javne ustanove „Centar za napredne tehnologije u Sarajevu“ u pisanoj formi neposredno ili preporučenom poštanskom pošiljkom na adresu Vilsonovo šetalište br. 9, Sarajevo, BiH, sve u skladu sa članom 99. i članom 101. Zakona o javnim nabavkama BiH. Žalba se podnosi u najmanje 3 (tri) primjerka i sadrži elemente propisane članom 105. Zakona o javnim nabavkama BiH.

Direktor

ović

Dostaviti:

- Ponuđačima koji su učestvovali u postupku;
- Stručni savjetnik za finansijsko - ekonomske poslove i računovodstvo;
- Stručni savjetnik za javne nabavke;
- a/a